

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), člana 51. stav (1) Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10, 62/10 i 39/20) i člana 13. stav (3) Zakona o energijskoj efikasnosti u Federaciji BiH ("Službene novine Federacije BiH", br. 22/17), Vlada Federacije Bosne i Hercegovine, na prijedlog Federalnog ministarstva energije, rudarstva i industrije, na \_\_\_\_ sjednici održanoj \_\_\_\_\_ godine, donosi:

**ZAKLJUČAK**  
**O DONOŠENJU OPERATIVNOG PLANA ZA POBOLJŠANJE ENERGIJSKE**  
**EFIKASNOSTI U INSTITUCIJAMA FEDERACIJE BOSNE I HERCEGOVINE**

I

Ovim zaključkom Vlada Federacije Bosne i Hercegovine (u daljnjem tekstu: Vlada FBiH) donosi trogodišnji Operativni plan za poboljšanje energijske efikasnosti u institucijama Federacije Bosne i Hercegovine (u daljnjem tekstu: Operativni plan EE).

II

Operativni plan EE iz tačke I je sastavni dio ovog zaključka i usklađen je sa Akcionim planom energijske efikasnosti Federacije Bosne i Hercegovine za period 2019-2021. godine – EEAPF („Službene novine Federacije BiH, broj 11/21), Zakonom o energijskoj efikasnosti u Federaciji Bosne i Hercegovine (Službene novine Federacije BiH, broj 22/17) i obavezama Bosne i Hercegovine iz Ugovora o uspostavi Energetske zajednice (“Službeni glasnik BiH“ broj 9/06), koji kroz plansku obnovu zgrada ispunjavanjem minimalnih zahtjeva za energijskim karakteristikama zgrada, ima za cilj smanjenje ukupne potrošnje energije u javnim zgradama u nadležnosti Federacije Bosne i Hercegovine.

III

Vlada FBiH zadužuje Nosiocce realizacije, da odmah po donošenju Operativnog plana EE, poduzmu aktivnosti na pripremi i provedbi aktivnosti iz Operativnog plana EE, kao i da izvještavaju Službu za zajedničke poslove organa i tijela Federacije BiH i Federalno ministarstvo energije, rudarstva i industrije o realizaciji Operativnog plana EE,

IV

Vlada FBiH zadužuje Nosiocce realizacije Operativnog plana EE da, u smislu uspostavljanja i održavanja sistema upravljanja potrošnjom energije, usklađuju svoj rad i organizacioni pristup u skladu sa Pravilnikom o Informacionom sistemu energijske efikasnosti Federacije Bosne i Hercegovine („Službene novine Federacije BiH, broj 02/19).

V

Vlada FBiH zadužuje Federalno ministarstvo energije, rudarstva i industrije da u saradnji sa Federalnim ministarstvom prostornog uređenja, prati provedbu i izvještava o realizaciji Operativnog plana EE.

VI

Ovaj Zaključak stupa na snagu narednog dana od dana objavljivanja u «Službenim novinama Federacije BiH».

V. broj: \_\_\_\_\_ 2021. godine  
Sarajevo

**PREMIJER**

**Fadil Novalić**